

# بحر الخفا

يا حلم الأيام وش باقي بعمر النخيل  
وأنا المسافة من أيامي مضارب يدي  
كل ماتبلل ضميري من غرابيل ليل  
قلت لبلابل جروحي بالحشا غردي  
أساير الحلم وأختار الطريق الطويل  
وأن بارك الله بعمرى مانشف موعدي  
في عمري الود يبقى مثل هملول سيل  
وأغلى الدموع الحزينة مثل رش بردي  
يا صاحبي مابقى بي روح والموت ميل  
شمعة لقانا محبة والغلا موقدي  
يا من عيونك مثايل للشعور الأصيل  
في شعري اللي تخلد با الخفوق الندي  
تختال با اسم الزهور ولا يشابهك جيل  
يا أغلى من الورد وأبعد من طموح الردي  
أسهل وصايفك مايروي خطاي القليل  
وأصعب وصايفك نظرة با الخفا يابعدى  
من حلك تغار ما أحتجت لغرامي دليل  
الله فرش لك خفوقي كالبساط أحمدي

ناصر بدر الناجي

# أقصى خليل

يا غيابه ترى دمك ثقل  
جيتني ضيف لكنك نشبت  
الشبه بينك وبين الرحيل  
مارحل بك عن أيامي وغبت  
صاحبك يا غيابه أقصى خليل  
شوفني لاجل عينه ويش جبت  
جبت له قلب من جسم نحيل  
وقلت له: خذتفضل ما طلبت  
والطعون امطرت فالقلب سيل  
ورغم كل المواجه ماتعبت  
وانت تلدي بدونه مستحيل  
شوفني لا ضحكت ولا لعبت  
كل مانام للعشاق ليل  
اشعر انك من سنيني سلبت  
ليت غصنه لاجل ودي يميل  
يقرب اكثر ليا مني قرئت  
عبدالعزيز السويط